

Сутранинг аҳамияти



13:00 / 20.09.2020 2988

«Сутра», деганда намозхоннинг олдидан бирор нарса ўтмаслиги учун қўйилган тўсиқдир. «Сутра»ни Ҳанафий ва Моликий мазҳаблари мандуб, Шофеъий ва Ҳанбалий мазҳаблари мустаҳаб, деганлар.

Девор, устун, найза, асо, бошқа бирор нарса сутра бўлиши мумкин. Ҳеч нарса топилмаса, бир чизиқ чизиб қўйса ҳам бўлади. Мақсад, намозхоннинг олдидан бирор нарса ўтиб, кўнглини бузмасин, хусусан, шайтон васваса қилмасин.

مَلَسُوهُ لَعَلَّ يَلْسُ بِبُيُوتِ الْمَلَائِكَةِ وَالنَّبِيِّينَ وَلِيُحْتَشِرُوا الشَّيْطَانَ إِنَّ الشَّيْطَانَ كَانَ فِي غِيَابٍ مُّبِينٍ

Саҳл розияллоҳу анҳудан ривоят қилинади:

«Набий соллаллоҳу алайҳи васалламнинг намоз жойлари билан девор орасида бир қўй сиғадиган жой бор эди».

Учовлари ривоят қилганлар.

Шарҳ: Баъзи бир уламолар «У зот соллаллоҳу алайҳи васалламнинг қадамлари билан деворнинг орасида бир қўй сиққудек жой бор эди», дейдилар. Тўғрироғи эса саждага бош қўядиган жойлари билан девор орасида, деганимиздир.

يَتْلُوهُنَّ أَنْتُمْ وَالْغُلَامَاتُ وَلَا يُنَادِيَنَّكُمْ فِي الصَّلَاةِ إِنَّهُ لَمُرْسَلٌ
بِالْبَيِّنَاتِ وَالصَّلَاةِ الْعِظِيمَةِ وَالزَّكَاةِ وَالْحَجِّ وَالْوَصِيَّةِ الَّتِي أَوْصَىٰ بِهَا
أَبَاكُمْ وَأَنْتُمْ سَمِعْتُمْ وَأَبَوَكُمْ أَلَا تُحْسِنُونَ الصَّلَاةَ

Язийд розияллоҳу анҳудан ривоят қилинади:

«Салама розияллоҳу анҳу мусҳаф ёнидаги устун олдида намоз ўқишни танлар эди. Мен унга:

«Эй Абу Муслим, ушбу устун олдида намоз ўқишни танлаганингизни кўрмоқдаман?» дедим.

У:

«Набий соллаллоҳу алайҳи васалламнинг унинг олдида намоз ўқишни танлаганларини кўрган эдим», деди».

Икки Шайх ривоят қилганлар.

Шарҳ: Ушбу ривоятда номлари зикр қилинаётган киши машҳур саҳобий Салама ибн ал-Акваъ розияллоҳу анҳудирлар.

«Мусҳаф ёнидаги устун». Қуръони Карим ёзилган саҳифалар бир сандиққа солиниб, ўша сандиқ «Муҳожирлар устувонаси» номли бир машҳур устуннинг остига қўйилган эди. Пайғамбаримиз соллаллоҳу алайҳи васаллам кишилар олдиларини кесиб ўтмаслиги учун суннат ва нафл намозларни кўпроқ ана шу устунни тўсиқ қилиб олиб ўқир эдилар.

Салама ибн ал-Акваъ розияллоҳу анҳу Набий соллаллоҳу алайҳи васалламнинг ушбу одатларини яхшилаб тақлид қилар эканлар. Бу ҳолни эса ушбу ҳадис ровийси Салама ибн ал-Акваъ розияллоҳу анҳунинг озод қилган қуллари Язийд ибн Абу Убайд розияллоҳу анҳу ўз хожаларидан сўраб, билиб, гапириб юрар эканлар.

Бу Расулulloҳ соллаллоҳу алайҳи васалламга ҳар бир нарсада эргашиш, у зотнинг намоз ўқиган жойларида намоз ўқиш фазилатли эканлигидан бир далолатдир.

Демак, масжидда якка ўзи намоз ўқиётган одам устунни ўзига тўсиқ қилиб олиб ўқигани яхши. Баъзи бирларимиз шу нарсанинг фарқига бормаимиз. Кўринган жойда, ҳатто кўпчилик ўтиб турадиган жойларда ҳам намоз ўқиб, ўзимизга ҳам, ўзгаларга ҳам ноқулайлик туғдирамиз.

عَبَّحْ لَأَهْلَ زَكْرِيَّ نَاكَ مَلَسُو هِيَ لَعَلَّ يَصَّيَّبَنَّ لَأَنْ هُوَ عُلَّ لِي ضَرَّ رَمْعِ نَبِّ لَعَنَ
يَذُمَّرَّتْ لَأَلَّ إِسْمَحْ لَأَهْ أَوْرَ . أَهْ لِي لِي لَصُّ يَفِّ

Ибн Умар розияллоҳу анҳудан ривоят қилинади:

«Набий соллаллоҳу алайҳи васалламга калта найза санчиб берилар ва у зот унга қараб намоз ўқир эдилар».

Учовлари ривоят қилганлар.

Шарҳ: Саҳобалардан бирлари «ҳарба» ёки «аназа» деб аталадиган калта найзани кўтариб юрар эди. Очиқ жойларда намоз ўқиладиган бўлса, у Набий соллаллоҳу алайҳи васалламнинг тўғриларига санчиб қўйилар эди. Ўша найза тўсиқ вазифасини ўтар, имомнинг тўсиғи қавмга ҳам тўсиқ ҳисобланар эди.

أَوْرَ . أَهْ لِي لِي لَصُّ يَفِّ هُوَ تَلَحَّارُ ضَرَّ عِيَّ نَاكَ مَلَسُو هِيَ لَعَلَّ يَصَّيَّبَنَّ لَأَنْ هُوَ عُلَّ
هُوَ تَلَّ لَأَهْ

Яна ўша кишидан ривоят қилинади:

«Набий соллаллоҳу алайҳи васаллам уловларини кўндаланг қилиб туриб, ўша томонга қараб, намоз ўқир эдилар».

Учовлари ривоят қилганлар.

Шарҳ: Демак, миниб юрган ҳайвонни тўсиқ қилиб, намоз ўқиса ҳам бўлар экан.

عَنْ مَلَسُو هِيَ لَعَلَّ يَصَّيَّبَنَّ لَأَنْ هُوَ عُلَّ لِي ضَرَّ رَمْعِ نَبِّ لَعَنَ
مَلَسُو هِيَ أَوْرَ . لَعَلَّ يَصَّيَّبَنَّ لَأَنْ هُوَ عُلَّ لِي ضَرَّ رَمْعِ نَبِّ لَعَنَ

Оиша розияллоҳу анҳодан ривоят қилинади:

«Расулуллоҳ соллаллоҳу алайҳи васалламдан намозхоннинг сутраси ҳақида сўрашди. Бас, у зот:

«Эгарнинг суянчиғи (баландлиги)ча», дедилар».

Муслим ривоят қилган.

Шарҳ: Демак, сутранинг баландлиги ҳақида сўралди. Арабларда одам суяниб кетиши учун эгарнинг орқаси махсус равишда баланд қилинади. Ана ўша суянчиқ баландлигидаги нарса сутра учун кифоя қилар экан.

مُكْدَحًا غَضَوًا إِذَا لَاقَ مَلَسَ وَهِيَ لَعَلَّ لِي لَصَّيْبٍ لِّلَّانَعِ، نَعَهُ لَلَّيْضَرَ حَلَطًا نَعِ
وَبَأَوْ مَلَسُ مَاهَاورَ كَلَدَءَارَوْرَمَ نَمَلَابِي الْوَلَّصُيْلَفَلِحَّرْلَلَاةَ حُومَلَثَمَهَيَدَيَنِي ب
يَذْمُرَّتَلَاوَدُوَاد

Толҳа розияллоҳу анҳудан ривоят қилинади:

«Набий соллаллоҳу алайҳи васаллам:

«Бирортангиз олдига эгар суянчиғичалик нарсани қўйса, унинг ортидан ким ўтганига эътибор бермай, намозни ўқийверсин», дедилар».

Муслим, Абу Довуд ва Термизий ривоят қилганлар.

Шарҳ: Демак, сутра қўйиб олган одам сутра орқасидан ким ёки нима ўтганига эътибор бермаслиги керак. Сутранинг орқасидан ўтган нарса унинг намозига ҳеч қандай зарар қилмайди.

«Ҳадис ва ҳаёт» китобидан